

22 APR 2001

PNB-Remaja

525,000 REMAJA MELABUR DALAM SAHAM-SAHAM AMANAH PNB

MACHANG, 22 April (Bernama) -- Sebanyak 525,000 remaja telah melabur dalam saham-saham amanah anjuran Permodalan Nasional Berhad (PNB) dengan unit yang dilanggan bernilai lebih RM750 juta, kata Pengerusi PNB Tan Sri Ahmad Sarji Abdul Hamid.

Beliau berkata penyertaan yang amat menggalakkan itu disebabkan remaja kian memahami konsep pelaburan dan hubungkait antara pulangan dan risiko.

"Golongan ini mencatat penyertaan yang amat menggalakkan dalam saham-saham amanah yang diuruskan PNB seperti Amanah Saham Bumiputera, Amanah Saham Wawasan 2020 dan Amanah Saham Malaysia," katanya.

Beliau berkata demikian ketika merasmikan pertandingan debat piala pusingan PNB antara 13 institusi pengajian tinggi sempena Minggu Amanah Saham Malaysia, di Universiti Teknologi Mara (UiTM) cawangan Machang di sini, hari ini.

Amanah Saham Didik (ASD) yang dilancarkan oleh Perdana Menteri Datuk Seri Dr Mahathir Mohamad pada Jumaat lepas adalah satu lagi peluang pelaburan atau simpanan yang dibuka oleh PNB untuk disertai remaja dan pelajar, katanya.

"Saya ingin mengesyorkan kepada pentadbir universiti, maktab dan sekolah-sekolah supaya memberi sokongan dan memandang serius kepada usaha-usaha tabungan dan pelaburan para pelajar," katanya.

Adalah menjadi harapan kepada PNB untuk melihat budaya menyimpan dan berjimat cermat dipupuk dari peringkat prasekolah, katanya.

"Yang lebih penting pelajar-pelajar mesti mempunyai sasaran atau sebab untuk menyimpan untuk masa depan sama ada sebagai persediaan untuk menyambung pelajaran atau modal untuk membiayai usaha-usaha keusahawanan," katanya.

Ahmad Sarji berkata institusi pendidikan yang ada di negara ini sekarang mampu melahirkan mahasiswa yang berkualiti serta menyumbang kepada keperluan tenaga kerja negara ini.

Katanya corak ekonomi pada masa sekarang yang berteraskan teknologi .

"Golongan ini mencatat penyertaan yang amat menggalakkan dalam saham-saham amanah yang diuruskan PNB seperti Amanah Saham Bumiputera, Amanah Saham Wawasan 2020 dan Amanah Saham Malaysia," katanya.

Beliau berkata demikian ketika merasmikan pertandingan debat piala pusingan PNB antara 13 institusi pengajian tinggi sempena Minggu Amanah Saham Malaysia, di Universiti Teknologi Mara (UiTM) cawangan Machang di sini, hari ini.

Amanah Saham Didik (ASD) yang dilancarkan oleh Perdana Menteri Datuk Seri Dr Mahathir Mohamad pada Jumaat lepas adalah satu lagi peluang pelaburan atau simpanan yang dibuka oleh PNB untuk disertai remaja dan pelajar, katanya.

"Saya ingin mengesyorkan kepada pentadbir universiti, maktab dan sekolah-sekolah supaya memberi sokongan dan memandang serius kepada usaha-usaha tabungan dan pelaburan para pelajar," katanya.

Adalah menjadi harapan kepada PNB untuk melihat budaya menyimpan dan berjimat cermat dipupuk dari peringkat prasekolah, katanya.

"Yang lebih penting pelajar-pelajar mesti mempunyai sasaran atau sebab untuk menyimpan untuk masa depan sama ada sebagai persediaan untuk menyambung pelajaran atau modal untuk membiayai usaha-usaha keusahawanan," katanya.

Ahmad Sarji berkata institusi pendidikan yang ada di negara ini

sekarang mampu melahirkan mahasiswa yang berkualiti serta menyumbang kepada keperluan tenaga kerja negara ini.

Katanya corak ekonomi pada masa sekarang yang berteraskan teknologi memaksa semua pihak untuk mencari jalan bagi meningkatkan usaha membentuk sebuah masyarakat k-ekonomi sebagai persediaan menghadapi persaingan dari negara-negara maju dan kesan globalisasi.

Beliau berkata golongan remaja perlu peka dan bersedia menghadapi arus perubahan zaman manakala ibu bapa, guru dan pensyarah berperanan mengawasi dan memberi tunjuk ajar kepada remaja agar berjaya menguasai kecemerlangan kualiti diri.

-- BERNAMA

BD RHM